

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA*,

CARDINALITIIS DISPUTATIONIBUS
manè discutienda in Scholis Medicorum, die Jovis decimâ-quintâ
mensis Martii, anno Domini M. DCC. LXXXI.

M. JOANNE-BAPTITA LANGLOIS, Doctore Medico, Præside.

An prolem lactare Matribus saluberrimum ?

I.

FÆMINA non tam sibi, quàm procreandis educandisque liberis nata. Vix dum bis septem complevit annos, hanc mox fore viro maturam prænuntiant mammæ fororiantes, lumborum gravitas, dolor coxendicum, spontanea artuum lassitudo, ciborum fastidium. Hæc symptomata brevi fugat manans ex utero sanguis, puellamque toro prorsus habilem efficit. Menstruâ quâque periodo, pari stipatus comitatu, effluit redundans humor sanguineus, donec utero gerat mulier; tunc ut plurimum cessant Menstrua, humorem superfluum matricque inutilem in sui nutrimentum absorbente foetu. At parum esset naturam non nato infanti providisse, nisi & adhuc à matre recentis mollitudini accommodatum parasset pabulum. Illud est mammarum munus. Ut primum è carcere materno in auras prodit tenellus homuncio, protinhs non jam distenta amplius uteri fornix constringi, vasa ipsum aluentia ad nativam redire diametrum, contenti humores, hinc Lochiorum nomine foras emitti, illinc retrò conversi vicina latè loca distendere, turgescere uberiori sanguinis copia arteriæ Epigastricæ, appellenti per sibi copulatas mammariarum internarum ramificationes sanguini fortius resistere, ille per ramos ipsimet mammarum substantiæ prospicientes ferri copiosis, illos ampliare, mammæ hinc dolore & intumescere, hinc lacteus humor à sanguine separari, primis à partu diebus dilutior, spissior deinceps evasurus, cum sensim sine sensu laxatâ mammarum compage spissus & dolor remiserint, amplioresque caseosis & butirosos partibus patebunt viæ. Lac tali secretum artificio quantum puerulo conveniens est alimentum, tantum matri omnino est inutile, quin etiam ejusdem sanitati infensissimum, nisi eâdem emulgeatur, quâ secernitur proportione. Candidos igitur latices tenero vagitu eflagitanti puero surdas ne præbeat aures mater puerpera, ipsam pudeas; à feris sylvestribus materno in natos amore superare. At si, vel feris ipsi feriozem, nulla propriæ prolis tangat cura, sibimet ipsi saltem consulat. Ocyûs infantulo fugendos denudet lactei roris eburneos fontes, firmiorem indè sibi certò comparatura sanitatem. Illud enim saluberrimum esse

* M. THEODORO BARON, D. M. P. an. 1741.

nullus inficias ibit, cujus beneficio, foras amandatur humor materno corpori inutilis, qui tum in vasis excretoriis commorando, tum ad missam sanguineam revertendo, morbis curatu difficillimis daret occasionem.

I I.

EA est humani corporis structura, ut necessitate quâdam mechanicâ, varii è sanguinis sinu secernantur humores. Illorum ad servandam valetudinem maxima utilitas. Si quâcunque de causâ debitis in locis separari cessaverint, numerosa statim præsto est ægritudinum cohors. Num eretismo laborat glandulosa renum substantia? haud modò muriatico humore inquinatus sanguis totum genus membranaceum salitudine suâ pungit, vellicat, inordinatos trahit in motus, urinam redolentia æger vomitu rejicit, delirat, convulsionibus universum quatitur corpus, mors tandem succedit miserrima, nisi artis beneficentissimæ auxilio, urinæ per renum colatoria restituantur secretio. Num obstructis quoque modo, tendentibus ad hepar venæ portarum ramificationibus, bilis impeditur separatio? æger fastidit cibos, ingesta malè concoquit, Alvus siccescit, os amarescit, lotium croceo colore infectum redditur, Erysipelate, aut etiâ Phlegmone fœdatur cutis. Adeo massæ sanguinæ permixtos remanere varios humores periculosum! nec minora sanitati imminuent damna, ubi ex aliorum consortio extricatus humor quilibet (negato exitu) propriis hæret in conceptaculis, vel inde à vasis lymphaticis exsurgitur ad sanguinem deferendus. Quoties ab intempestivâ perspirationis insensibilis suppressione, fevissimis Rheumatismi doloribus, torquentur membra, atrocissimis Podagræ cruciatibus divexantur articuli? Quot ab eâdem causâ rependendæ Pleuritides, Peripneumoniz, Diarrhææ, febres catarrhales, Anginæ, Ophthalmiz? Quot ægros tumulavit latex urinosus, in corpore retentus aut à vesicæ Paralyâ, aut ab ejusdem sphincteris contractione spasmodicâ, vel etiâ à calculo uteris viam claudente? Quantas sæpè parit tragedias, in jecore secreta bilis, liberum per ductus hepaticos iter non inveniens? Quin & ipsarum fœcum in intestinis remora gravissimos nonnunquàm elicit morbos, hæmorrhagias, vertigines, hæmicranias, dolores colicos, passionem iliacam. Numquid non à suppressis mensibus funestissima pullulant aliquando quæ mulieres adoriuntur mala, hæmoptysis, vomitus cruentus, hysterica passio, comatosi affectus, convulsiones, cordis palpitatio? numquid impeditus in puerperis Lochiorum fluxus, Apoplexias quandoque non producit letniferas, crudelia ventris tormina, immanes Cardialgias, uteri inflammationem, aliaque horrenda generis ejusdem symptomata? Quisquis igitur tranquillos absque dolore soles condere expetit, institutam à naturâ variis in organis humorum separationem feriari non sinat: hanc convenienti sex rerum non naturalium usu promoveat; grande credat piaculum, secreti cuiuslibet humoris ab organo secretorio effluxum omni operâ non adjuvasse, illudque habeat tanquam causam plurium morborum frequentissimam, quos præcavere longè facilius est quàm expugnare.

I I I.

QUEMADMODUM à secundo ad septimum usque circiter ætatis septenarium; mensium fluxu carere tutò nequit fœmina non prægnans, ita & matrem impunè ab infantum nutritione discedere difficillimum est. Eadem lactis quæ Catameniorum materia, quæ lactant mulieres per uterum non repurgantur, id saltem rarò contingit. Uterque humor in corpore muliebri superfluous. Illius egestio ab uteri peculiari fabricâ pendet, alterius ab infantis suctu periscitur. Quot & quantos matri impendentes avertat morbos ab ejus ubere pendens puerulos, ostendit natura lætis attentius considerata. Triplex lac constituit substantia, aquea, & serum audit; salino terrea, casæum dicunt; oleosa tandem, quæ by-

3

tirum nuncupatur. Quiete diuturniori secedunt *) invicem heterogenea hæc lactis principia. In excretoriis mammarum non l. tum tubulis quiescit lac. Quid inde? triplicem resolvitur in substantiam. Oleosa sibiimet permixta acris fit & rancida, contentia vasa stimulat, erodit; tum vasorum lymphaticorum ope (numerosa in mammis reperiuntur) ad sanguinem reiecta, motuque circulari abrepta, accenditur, æstuat, alios humores exagitat, febres parit inflammatorias. Aquea pars utpote fluidior, massam sanguineam rursus ingreditur, per renes amandanda, quandoque sub feri tenuioris formâ papillis exit. Quid interim de caseosa parte? fero in dies spoliata, crassescit, induratur, in tubulis Galactophoris congeritur, gypseam emulatur soliditatem, uno verbo in schirrum degenerat, hinc vicina comprimuntur vasa sanguifera, hinc impedita in mammis circulatio, hinc inflammatio, suppuratio, cancer exulceratus letho sæpissimè finiendus. Quò quis humor à sanguine separandus, circulationi minus idoneis & crassioribus constat partibus, eò intra sanguinis massam hunc retineri periculosum magis. Talem esse lactis indolem per se patens est. Quantis itaque ægritudinibus non lactantes fœminas plecti necessum est? præterquàm quòd superfluo ac inutili humore non liberantur, sicque ipsis metuendi sunt quotquot à plethora natales ducunt morbi, ille est insuper lactis genius, ut facillimè spissescat & grumos agat: plethoræ igitur adjuget se comitem cacochymia. Qualis porro Cacochymia species? canosa & lutulenta humorum Diathesis, fluiditatis inimica. Lacteo humore luxurians sanguis, omnes vitabit secretiones, hærebit in capillaribus, mille pariet obstructiones mox daturas progeniem vitiosorem.

I V.

HACTENUS ratione stabilitam de noxis ab effuso (ut vocant) lacte sententiam, heu frequens nimium, ulterius confirmat experientia. Decumbentes à partu adeamus non lactantes puerperas. Dictu horrendum, quàm multa, quàm crudelia, quàm pertinacia, ipsas undique circumveniant incommoda! Modò vultum occupat Erysipelas, inde tumet facies doletque, scintillant oculi, pulsant tempora, lancinans adest capitis dolor, totidem retenti intrâ molem sanguineam lactei humoris partus infelices. Modò lymphæ lentior saltâ, hic & illic moras nectit, cumulat in glandulis, tumores gignit durissimos, parotides, strumas, schirros. Modò impatibiles non lactantium femora distrahunt dolores, ingensque medentibus faceit negotium. Aliàs incarcerationum in matris corpore, recens nati alimentum præ calore expanditur, febresque accendit varii generis, quas inter exanthematicæ omnes, præsertim quæ purpurata dicitur, sive rubra sit purpura, sive alba, magnoperè pertimescendæ. Clinici notissimum est lacteum succum falsum per viscera & artus vagantem, abscessus aliquandò generare periculosissimos non nisi ferro debellandos, quibus in speciem sanatis, alii non deficient pari arte oppugnandi, sæpiusque cum pari successu. Nonnunquam ab ingrâtâ matre poenas reposcit pleuritis gravissima, illamve exhaurit fluens alvus, confodit penè atrox intestinorum inflammatio, molesta angit suffocatio. Quandòque ipsius lactis afficiuntur receptacula, quibusque deliquit, in iisdem potissimè partibus mulctatur parens inhumana, mammas varii infestant tumores, ulcera deturpant, canceri exedunt. Est & ubi in mali partem trahitur uterus, taboque & sanie dissiluit humani generis officina. Hæc sunt quæ secum Gallis intulit pestes, prolem non lactandi mos pessimus. Tot procellis jactatam non vivunt viram illarum regionum mulieres, apud quas naturam sequendi ducem maxima religio, vetat infantes conductis mammis alendos tradere,

ATTAMEN, inquires, multæ sînt non lactantes scœminæ quæ optimâ fruuntur valetudine. Quid ad nos ? Si partu frequentissimo fatiscant tandem illarum vires, solidorumque frangatur elater, undè proles numerosa quidem sed debilis, utpotè infirmo in corpore generata. Hæc vitant incommoda quæ prolem nutriunt matres. Ità enim est statutum à naturâ ut Veneris præmia rarissimè ferant nutrices. Uterum agro non ineptè comparaveris, non secus ac agri interpositâ quiete non reparati, effecti sunt, rarumque emittunt segetem ; uterus pariter non intermisso partu exhaustus, conceditur sibi malè educat hominis germen. Quamdù lactat mulier, amissum uterus recuperat tonum novatque accipit vires, ut pulchrâ sanique prole rursus beet parentes. Procul hinc malefacta quorundam consilia, qui sexui (haud dubiè colendissimo) blandiendo nimis ipsùm crudeliter enecant. Quid molestius, inquiunt, quàm clamores inter & ejulatus infantis, vitam trahere ? Quid tædiosum magis quàm puerulum ulnis continenter gestare, ipsiusque ad ora papillas identidem admovere ? Egregia profectò difficultas ! Quasi verò huic quoque rei maximè subventum non esset à naturâ. Hæc quippè tantam maternis animis in natos caritatem insevit, ut quidquid prolis causâ susceperint, nedùm cum tædio & molestiâ, quin etiam incredibili cum gaudio illud aggrediantur : imò visæ sunt primiparæ quas ex avulsâ prole, alienis uberibus nutriundâ, mæror extulit inconsolabilis. Sed dicant vicissim : Num fatiùs est torqueri morbis periculosissimis ? Num gravia sunt minùs gestationis incommoda, cibi fastidium, pica, malacia, absurdorum appetitus, cardialgia, nausea, vomitus, stranguria, dysuria, tenesmus, hæmorrhoides, crurum inflatio, & indè subsequens difficilis progressio ? Verùm, inurgunt alii, adsunt rationes quibus præcaveantur noxæ ab effuso lacte oriundæ, aut etiam ejusdem impediatur effusio. Felicem utinam fortiterentur effectum tot adhiberi solitæ in non lactantium morbis, evacuationes omnis generis ! Præterea nonne insipientis est morbum, etiam curatu difficillimum, consultò admisisse, qui facillimo declinari poterat negotio ? Ergò canibus ultrò offerent mammas mulieres, quas infantibus denegârunt ? Talia meminisse horret animus. Urges adhuc : Debilioris sunt temperamenti urbanæ matres, quàm ut illasâ sanitate tantam perferre valeant evacuationem, quantam solent experiri lactantes ; compertum enim est experientiâ nutrices quasdam duas lactis libras quotidie emittere. Apage erroneam opinionem, debilitas illa non aliundè provenit, quàm ex eo quòd materna non suxerunt ubera, sed & ipsi optimè medetur infantum nutritio ; hujus enim ope feras emittitur humor qui mole suâ gravaret partes, huic oneri ferendo præ suâ mollior impares ; & id adco verum est ut, inter scœminas non lactantes, illæ gravius ægrotent quæ vitræ, ut ità dicam, donantur valetudine. Malâ igitur non ampliùs utantur matres consuetudine, eoque majora sibi ex prolis lactatu spondeant emolumenta, quòd dum eas nutriendi infantes cura tenet, nec mensis opiparis accumbendi, nec in seram noctem cœnas protrahendi tempus superest, sicque permultas morborum effugient occasiones. Quid plura ? Concludamus :

Ergò Prolem lactare Matribus saluberrimum.

Proponebat Parisiis, LUDOVICUS.CYPRIANUS DE MONTAIGU, Trecentis ;
Saluberrimæ Facultatis Medicinæ Parisiensis Baccalaureus, A. R. S. H. 1781.

AB OCTAVA AD MERIDIEM.

Typis QUILLAU, Universit. & Facultatis Med. Typograph. 1781.